

Bortaduras mesi de Argiolas 2022 – Luglio 2022

04/07/2022

ISCRIZIONIS A SA CONSULTA DE IS GIÒVUNUS

Tenis una edadi intra is 16 e is 32 annus?

Bivis in Santu Giuanni Suèrgiu?

Bolis fai calincuna cosa po sa bidda cosa tua?

Intrega-dda sa dimanda a sa mail ufficio.protocollo@pec.comune.sangiovannisuergiu.ci.it.

Càstia innoi po biri totus is paperis: <https://bit.ly/3bJH5bk>

04/07/2022 Zuanne Balente in campidanesu

Mancai parrit una fàula, nci fiat una borta unu piciocheddu ca non timiat nudda. Non timiat... non iat connotu ita fiat sa timoria. Custu piciocheddu, chi si tzerriat Giuanni, ddi preguntat sempri a su babbu:

- O babbu, ma ita intendis candu tenis timoria? Ita est, cumenti unu tzùnchiu? Cumenti candu unu si nci drommit e non biit prus nudda? E sa timoria, ita forma tenit? Bolat che su fumu? O est grai che una perda?

- -Una dii o s'àtera dda as a connosci – ddi iat arrespostu su babbu – e intzandus eus a biri chi as a essi aici balenti che imoi.

Sa curiositati de Giuanni cresciat cumenti cresciat is annus suos e candu teniat s'edadi giusta po viagiai in su mundu non boliat prus abetai e si nci fiat andau de bidda, in circa de atobiai a sa timoria, in calisiat logu s'at a essi agatada.

Tres diis a pustis, Giuanni fiat arribau a una biddixedda aundi iat domandau si nci fiat logu po drommì cussa noti. Su meri de su furriadroxu dd'iat nau:

- Non nci nd'at de logu po drommì, perou, chi ses bastanti coragiosu, podis andai a sa domu manna chi ddoi at foras de bidda. Non nc'est nemus.

- Chi seu coragiosu e balenti? – iat pregantau Giuanni. – E ita bolit nai fustei, narendi aici?

- Sceti chi narant ca sa domu est prena de fantàsimas. Nemus s'acostat ca timit.

- Timit? Mellus aici, seu circhendi custu! – iat nau Giuanni totu allirgu.

05/07/2022 Zuanne Balente in campidanesu

Cantendi e sartendi totu allirgu, Giuanni fiat arribau a sa domu candu fiat scurighendi. Mancu a ddu fai a posta, s'enna de sa coxina fiat aberta e sa mesa fiat apariciada cun cosa de papai bona po sa genti famida.

- Custu est a tenni sorti diaderus! – iat nau Giuanni.

Sena de perdi tempus si fiat prenu sa brenti e si fiat totu beni satzau. A pustis, stràcu ca iat camminau totu sa dii, iat circau su corcadroxu, si nci fiat ghetau a su letu e si nci fut drommiu deretu. A mesunoti, si fiat scidau de is sonus sprammosus chi si intendiant in totu sa domu.

Fiat cumenti chi calincunu essi atrasinendi cadenas in sa crabetura de sa domu e d'ònnia tanti si intentiant agùrius e lamentus chi fadiant atzutzuddai is pilus fintzas a sa persona prus animosa. Ma sigumenti Giuanni non sciiat ita bolia nai a timmi, si fiat postu sceti a aboxinai, infastidiau:

- Eh insaras, non si podit drommì innoi? Ma si dda boleis tuppai sa bucca ingui a susu?

Candu is sonus parriant spaciaus, si fiat aberta sa genna totu paris e in s'apostu fiat intrau unu personàgiu curiosu diaderus. Sa cosa prus spantosa fiat ca teniat sa conca poderada me in una manu.

- E ita funt custas boxis? – iat nau sa conca. – Seu in domu mia e fatzu is sonus chi mi parrit! – Ti ses papau sa cena cosa mia, ti nci ses drommiu in su letu miu e imoi ti ponis po fintzas a aboxinai!

- Ita ti parrit, cosa pràtiga su ti poderai sa conca cumenti fais tu? – dd'iat preguntau Giuanni a su fantàsima. – Una diri dd'apu a provai deu puru.

- Insaras bolit nai ca non timis nudda! – iat nau, arrennegau, su fantàsima. – As a biri imoi.

E fadendi unu ingestu cun sa manu libera, su fantàsima ndi iat bogau a foras unu schèletru sprammosu chi scudiat is ossus a pari ca fadiat a timmi a chinisiat.

06/07/2022

Su Ufìtziu de Lìngua Sarda de Santu Giuanni Suèrgiu est circhendi citadinus cun prus de otant'annus poi fai unu progetu vùdeo e de copiadura/trascrividura de mutetus, cantus, poesias, modus de nai e d'icius in l'ingua sarda.

Chi seis interesaus intregai-si-dda una mail a linguasardasanguergiu@gmail.com o acostai-si a sa biblioteca in ruga Mazzini me in is oràrius de abertura de su sportellu:

lunis e mèrcuris de is 09:00 a is 13:00 e de is 15:30 e le 17:30;

Martis de is 09:00 a is 12:00.

Ajò, atopai!

S'Ufìtziu de Lìngua Sarda de Santu Giuanni Suèrgiu circat

CITADINUS CUN PRUS DE OTANTA ANNUS

chi scìpiant

- mutetus
- cantus
- imballabipius
- poesias
- modus de nai
- d'icius

Isciri a
linguasardasanguergiu@gmail.com



Santu
Giuanni Suèrgiu

Acosta-ti a sa biblioteca comunali in bia Mazzini!

06/07/2022

CONTRIBUTUS “CÀNONIS DE ALLOGU (LOCAZIONE) 2021”. ACIUNTA ISTRUTÒRIA DE IS DIMANDAS IN STADU DE “FIRMU/SUSPESU”.

Su Comunu de Santu Giuanni Suèrgiu fait sciri ca, cun sa detèrmina n° 278 de su 17.06.2022, at fatu un’aciunta a s’istrutòria de is dimandas ca fiant suspèndias e chi fiant stètias aprovadas cun sa detèrmina n° 44/2022. Is dimandas funt cussas arricidas intre su 13 de maju 2022 chi pertocant su pagamentu de is cànonis po is mesis de ladàmini e de meseidas.

Po ligi is paperis alliongiaus:

<https://bit.ly/3bTrLJo>

06/07/2022

S’Auser de Santu Giuanni Suèrgiu, cun s’agiudu in dinai de su Comunu, at incarrerau po su mesi de argiolas una bella filera de diris po is citadinus de 70 annus e prus.

Custus is serbìtzias:

carrìngiu cuncordau de s’AUSER po is chi tenit strobbru po atobiai a su mari cun sa màchina cosa insoru;

Is voluntàrius ant a fai animatzioni e donai calincunu agiudu, is OSS ant a donai assistu a is chi ddu abbisongiant.

Si podit pigai parti sena de pagai, est a indonu!

Po informazionis e iscritzionis acostai-sì anch’e s’Auser o telefoni a su 0781/689896 dae su lunis a sa cenbara dae is 15:00 a is 18:00.

auser
SAN GIOVANNI SUERGIU

Santu Giuanni Suèrgiu

S’Auser e su Comunu de Santu Giuanni Suèrgiu

PRESENTANT

Ajajus a mari

- CITADINUS DE 70 ANNUS E PRUS
- TOTU SU MESI DE ARGIOLAS
- A INDONU GRÀTZIAS A SU DINAI DE SU COMUNU

Aundi e candu

- PLAJA DE PUNT’E TRETTU
- 3 BORTAS A SA CIDA
- LUNIS-CENÀBARA 08.30 - 13.30

PO PIGAI PARTI TOCAT A SI FAI SA TÈSSERA DE S’AUSER

AUSER 0781/689896 LUNIS - CENBARA 15:00 - 18:00

11/07/2022 – 12/07/2022

ORDINÀNTZIA DIRIGENTZIALI N° 07-2022 –

PROIBIDURA TEMPORÀNEA DE TRÀFICU E DE PARADA (sosta) IN S'INTERIS DE NOTIS DE KARAOKE, MÙSICA E PIANO BAR ME IN IS TZILLERIS DE SU CENTRU DE SANTU GIUANNI SUÈRGIU.

ORDINÀNTIZA N° 7 DE SU 07/07/2022.

S'Ufitziu Politzia Locali

Cumandat

1. Sa proibidura temporànea de tràficu e de parada po is arrexionis giai nomenadas, dae is 20:00 a sa 01 de noti, in custus logus e po custas diris:

loc. ruga Pescatori – tretu faci a su tzilleri BE STRONG, me in is diris de su 07 – 14 – 21 – 28 de argiolas 2022 e su 04 – 11 – 18 – 28 de austu 2022 po mùsica, karaoke e piano bar me in su tzilleri BE STRONG.

Loc. ruga Vittorio Emanuele, tretu intre ruga Porto Botte e Ruga Roma, dae su 11 a su 26 de argiolas e su 08 de austu 2022 po mùsica, karaoke e piano bar me in su tzilleri PIANETA BLU.

2. De cuncodrai sa sinnialètica stradale cummenti est previdiu de su Decretu Ministeriali de su 10 de argiolas 2002, sighendi puru sa normativa in vigèntzia e su Còdixi de sa Bia/Carrela. S'Ufitziu Tènnicu est incarrigau de donai is travessas (transenne) e sa sinnialètica mentras is organizadoris ddas depint poni in sa ruga me in is oràrius e in is diris chi serbint.
3. S'organizadori depit puru poni sa sinnialètica poi fai a biri unu caminu differenti po is màchinas de agiudu.
4. Is organizadoris funt obrigaus a ndi tirai totu sa sinnialètica cadu finit sa mùsica e a sbaratzai sa ruga po pòdiri torrai a trassigiai.

DISPONNIT

Sa proibidura de tràficu non balit po is màchinas de sa Politzia e is màchinas de agiudu e de abbisòngiu. Is guidadoris depint ghiai abellu meda e fai atentzioni a is pedonis e a is àteras màchinas.

Sceti is chi bivint in cussus tretus podint passai po intrai e bessiri de is domus cosa insoru, poita ddis ant a donai unu pass. Issus puru depint camminai abellu meda e fai atentzioni a is pedonis e a is àteras màchinas.

Sa Politzia Locali e is àteras Fortzas de Politzia podint fai dèrogas a custus provedimentus o ddus fai prus fortis chi serbint.

Sa Politzia Locali si depit assegurai ca s'ordinantzia bèngiat posta in menti cummenti narat s'artìculu 12 de su Còdixi de sa Carrela.

Po àteras informatzionis:

<https://bit.ly/3P7kJ2s>

11/07/2022

Un àteru atobiu de sa rassinnia literària **#IoLeggo** cun s'agiudu se s'ACLI S.G.S.

Cenàbara 22 de argiolas 2022 a is 21:30 in s'Aposentu de su Consillu Comunali de bia Roma, in Santu Giuanni Suèrgiu

Eus a arriciri Pepi Coròngiu cun s'ùrtimu romanzu cosa sua **S'intelligentzia de Elias**".

Pepi Coròngiu presentat

S'Intelligèntzia de Elias

Presentat e ghiat Guido Cadoni

Pigant parti:

Sa s'indiga Elvira Usai e s'assessori a sa cultura Marco Zusa
Mùsica de Natascia Capurro in Etno Jazz

Ita chi in logu de sa Giunta e de su Cunsillu Regionali nci fessat unu programa de intelligèntzia artifiziali po fai unu governu neutrali, produtivu e prus bonu! Sa Sardìnnia de s'annu 2030 at bintu su Covid e andat faci a su benidori in s'interis de una rivoltzioni tecnològica de s'intelligèntzia artifiziali. Unu giornalista falliu, Elias Dessanay, depit scruculliai sa morti strambeca de una picioa agatada bocia me in unu sutapassàgiu de s'asse medianu, in Casteddu. Est unu viàgiu in sa Sardìnnia de crasi aundi cun sa distopia si contant is speras e is strobus de oi.

Pepi Coròngiu est nàsciu in Laconi (Or) in su 1965 e bivit in Casteddu de tempus meda. Est unu personàgiu de importu in su campu de sa linguìstica e de is movimentus de s'identidadi sarda. At pigau parti a assòtzius medas e s'est ocupau, cumenti de responsàbili, de sa polìtica linguìstica e regionali dae su 2004 a su 2014. Est dirigenti de sa Pùblica Amministratzioni, giornalista, tradusidori, iscrittori de òberas polìticas e de sàgius asuba de s'amparu e s'avaloramentu de is linguas minoritàrias. Custa est sa segunda faina cumenti de autori de romanzus in lingua sarda apustis de "Metropolitània e àteros contos tòpicos, distòpicos e utòpicos", de su 2019.



Giuseppe Coròngiu
presentat
S'intelligèntzia de Elias

Presentat e ghiat GUIDO CADONI

Pigant parti
Sa s'indiga ELVIRA USAI
s'Assessori a sa cultura MARCO ZUSA

Mùsica de NATASCIA CAPURRO
in Etno Jazz

Cenàbara
22 de argiolas 2022
a is 21:30
in s'Aposentu
de su Cunsillu Comunali
bia Roma
Santu Gianni Suèrgiu

Ita chi in logu de sa Giunta e de su Cunsillu Regionali nci fessat unu programa de intelligèntzia artifiziali po fai unu governu neutrali, produtivu e prus bonu? Sa Sardìnnia de s'annu 2030 at bintu su Covid e andat faci a su benidori in s'interis de una rivoltzioni tecnològica de s'intelligèntzia artifiziali. Unu giornalista falliu, Elias Dessanay, depit scruculliai sa morti strambeca de una picioa agatada bocia me in unu sutapassàgiu de s'asse medianu, in Casteddu. Est unu viàgiu in sa Sardìnnia de crasi aundi cun sa distopia si contant is speras e is strobus de oi.

Pepi Coròngiu est nàsciu in Laconi (Or) in su 1965 e bivit in Casteddu de tempus meda. Est unu personàgiu de importu in su campu de sa linguìstica e de is movimentus de s'identidadi sarda. At pigau parti a assòtzius medas e s'est ocupau, cumenti de responsàbili, de sa polìtica linguìstica e regionali dae su 2004 a su 2014. Est dirigenti de sa Pùblica Amministratzioni, giornalista, tradusidori, iscrittori de òberas polìticas e de sàgius asuba de s'amparu e s'avaloramentu de is linguas minoritàrias. Custa est sa segunda faina cumenti de autori de romanzus in lingua sarda apustis de "Metropolitània e àteros contos tòpicos, distòpicos e utòpicos", de su 2019.



lo Leggo
2022

12/07/2022

Pipius, prontus seis po si spassiai?

S'abetaus crasi po unu atòbiu sceti po is prus piticus!

MIRACULOUS LADYBUG

At a pintai sa facci de is pipius, ci ant a èssiri giogus, mùsica, ballus e bòccias bobadoras!

13 de argiolas 2022 dae is 21:30

In pratza IV Novembre in Santu Giuanni Suèrgiu

Apuntai-sì is atòbius, ant a èssiri d-ònnia mèrcuris de argiolas e de austu

12/07/2022

LEI REGIONALI 9/04. DISPONIMENTU PO IS CITADINUS CHI TENINT NEOPLASIA MALINNA. ARRICIDA DE IS DOCUMENTUS – PRIMUS SES MESIS DE SU 2022

L.R. 9/04. Rimbussu de gastus de viàgiu e de permanèntzia de is primus seis mesis de su 2022. Presentada de is paperis intra de su 12/08/2022.

Su Comunu de Santu Giuanni Suèrgiu fait sciri ca commentzat a arriciri is documentus po donai is rimbussus de viàgiu e de permanèntzia chi pertocant is primus seis mesis de su 2022.

Is paperis netzessàrius depint èssiri intregaus a manu a su Ufìtziu Prìsia o po e-mail, in unu file PDF ùnicu, a ufficio.protocollo@pec.comune.sangiovannisuergiu.ci.it intre e no avatu (non oltre) su 12 de austu 2022.

Càstia innoi po biri is paperis alliongiaus:

<https://bit.ly/3arv765>

12/07/2022

LEI REGIONALI 18/85. DISPONIMENTU PO IS CITADINUS CHI TENIT NEFROPATIA (maladias a is arrigus). ARRICIDA DE IS DOCUMENTUS PO ANNOAI (aggiornare) IS RÈDITUS.

L.R. 11/85. Càrculu de is assegnus de is segundus seis mesis de su 2022. Presentada de is documentus intre su 12/08/2022.

Su Comunu de Santu Giuanni Suèrgiu fait sciri ca commentzat a arriciri is documentus po fai su càrculu de su dinai de donai d-ònnia mesi a is chi ddu pedint. Custu dinai pertocat is segundus seis mesis de su 2022 e is primus ses de su 2023.

Is paperis netzessàrius depint èssiri intregaus a manu a su Ufìtziu Prìsia o po e-mail, in unu file PDF ùnicu, a ufficio.protocollo@pec.comune.sangiovannisuergiu.ci.it intre e no avatu (non oltre) su 12 de austu 2022.

Càstia innoi po biri is paperis alliongiaus:

<https://bit.ly/3Rr8bEx>

12/07/2022

LEI REGIONALI 27/83. DISPONIMENTU PO IS CITADINUS CHI TENIT TALASSEMIA E ÀTERAS MALADIAS DE SU SÀNGUNI (EMOFILIA E EMOLINFOPATIA). ARRICIDA DE IS DOCUMENTUS – PRIMU SES MESIS DE SU 2022

L.R. 27/83. Rimbussu de gastus de viàgiu e de permanèntzia de is primus seis mesis de su 2022. Presentada de is paperis intra de su 12/08/2022.

Su Comunu de Santu Giuanni Suèrgiu fait sciri ca commentzat a arriciri is documentus po donai is assegnus d-ònnia mesi e/o is rimbussus de viàgiu e de permanèntzia chi pertocant is primus seis mesis de su 2022.

Is paperis netzessàrius depint èssiri intregaus a manu a su Ufìtziu Prìsia o po e-mail, in unu file PDF ùnicu, a ufficio.protocollo@pec.comune.sangiovannisuergiu.ci.it intre e no avatu (non oltre) su 12 de austu 2022.

Càstia innoi po biri is paperis alliongiaus:

<https://bit.ly/3yVcbWC>

13/07/2022

CONTRIBUTUS PO TORRAI SU DINAI DE SA SPESA PO SA FRECUÈNTZIA DE CENTRUS ESTIVUS. APROVADA SA LISTA PROVISÒRIA.

Su Comunu de Santu Giuanni Suèrgiu fai scriri ca, cun sa detèrmina n. 316 de su 11/07/2022 at aprovau, po is famìlias chi tenint fillus minoris, sa graduatòria provisòria de is dimandas po pòdiri pediri contributus in dinai po cobèrriri is gastus po sa frequèntzia de centrus estivus, serbìtzius sòtziu-educativus de su territòriu e centrus educativus e de spàssiu.

Si fait sciri ca custa lista provisòria, chi podeis castiai alliongiada innoi, s'at a fai definitiva candu is dimandadoris ant a intregai is paperis chi ammostant sa spesa po sa frequèntzia de centrus estivus, serbìtzius sòtziu-educativus de su territòriu e centrus educativus e de spàssiu, fatas intra su 9 de làmpadas e su 9 de cabudanni 2022. Tocat a intregai puru is aciuntas po is dimandas in stadu de "firmu" intre su 30 de cabudanni 2022, o sinuncas s'at a perdi su benefitziu cummenti narat s'avisu pùblicu.

Càstia innoi po biri is paperis:

<https://bit.ly/3AHsTtT>

13/07/2022 Zuanne Balente in campidanesu

- Ancora! Ancora! – iat nau Giuanni, allirgu.

- Aici mi praxit! Ita ballu bellu!

E non cuntentu de custu, nci iat scutu sa conca de su letu a su schèletru e su cropu ci dd'iat sciusciau, spraxinendi totu is ossus in terra.

- Aici mi praxit! – iat nau Giuanni.

- Aici mi pongu a giogai unu pagu!

Iat postu totu is ossus in fila a pari cumentu chi fessint birillus e iat postu sa conca de su fantàsima a arrumbulai in terra, furriendi-nci-nci totu is ossus. Inciandus is fantàsimas si ndi fiant andaus, deretus cumentu fiant arribaus, e Giuanni iat pòtziu sighiri a drommiri po su restu de sa noti, mancai fessit abarrau unu pagu dispraxu ca ancora non sciat ita fut su achìchidu e sa timoria.

Candu sa genti ddi iat preguntau cumentu iat passau sa noti, issu iat nau sceti:

- Mellus non podia! S'ùnica cosa de malu est ca funt benidas una pariga de personas chi m'ant pressighiu (rincorso) cun ganas de brullai e de giogai.

E a pustis de ai nau custu, iat sighiu su caminu suu. Andendi andendi, unu meri si fiat firmau acanta de unu pussu po buffai àcua, perou a pustis ca si ndi fiat prenu un cracira, iat intèndiu una boxi bessendi de su pussu:

- Naras ca non scis ita est sa timoria, perou chi andas a sa domu in su montixeddu, stais seguru ca dd'as a scoberri.

- Deus ti ddu paghit! – iat nau Giuanni a sa boxi! – stais seguru ca giai apu a andai!

In sa domu in su montixeddu nci fiant tres gigantis malus, chi ndi fadiant atzicai totu sa genti. Cumentu si podit pentzai, totu is cosas de cussa domu fiant mannas. Giuanni fiat intrau sena de pediri nudda a nemus e iat tentu sorti bona, ca is gigantis non ddoi fiant. Asuba de sa mesa ddoi fiat una truta manna, unu cocoi mannu e unu pratu mannu de supa. Sigumentu teniat fàmini, iat papau de totu e, andendi deretu a si drommiri, iat sceberau unu de is tres letus chi nci fiant ingui.

18/07/2022

PARCU "EMANUELA LOI"

S'amministratzioni comunali de Santu Giuanni Suèrgiu fait sciri a totus ca martis su 19 de argiolas a is 18:30 nci at a èssiri unu atòbiu po dedicai a Emanuela Loi su Parcu de ruga Roma 12, faci a pari cun s'apostu de su Cunsillu Comunali. Emanuela Loi fiat un'agenti de sa Politzia morta in s'atentau mafiosu de Ruga D'Amelio candu fiat acumpangendi/fadendi sa scorta a su magistratu Paolo Borsellino.

18/07/2022

ORDINÀNTZIA N° 15-2022 DE SA SÌNDIGA

Proibidura de donai cosa de buffai me in tassas e ampuddas de imbirdu in s'interis de su cuncertu de is Tazenda e de "International street food" in pratza IV Novembre me in is diris de sàbudu 23 de argiolas 2022 e sàbudu 6 austu 2022.

Po ligi s'ordinàntzia intrea e totus is informatzionis:

<https://bit.ly/3uSXJw0>

18/07/2022

Paesanus istimaus, teneus unu poeta in bidda nostra!

Manuel Cherchi est unu picocu de trintatres annus de Santu Giuanni Suèrgiu. Traballat in unu tzilleri de bidda ma est ammantiosu meda de s'archeologia de sa Sardìnnia. Est stimadori de sa lingua sarda e pruschetotu de sa poesia; de calchi tempus, abellu abellu, est acostendi-sì a su sardu scritu.

Seus prexaus meda de ddu biri publicau in s'insertu "Sa Provìntzia de su Sulcis Iglesienti", chi fiat parti de su periòdicu "La Provincia del Sulcis Iglesiente", annu V – N° 32 de su 12 de argiolas 2022.

Innoi ligei sa poesia cosa sua, Làgrimas de Sardigna.

Bravu meda Manuel!

19/07/2022

Pipius, prontus seis po si spassiai?

S'abetaus crasi po unu àteru atòbiu po is prus piticus!

MIRACULOUS LADYBUG

At a pintai sa facci de is pipius, ci ant a èssiri giogus, mùsica, ballus e bòccias bobadoras!
20 de argiolas 2022 dae is 21:30

Matzaccara

Apuntai-sì is atòbius, ant a èssiri d'ònnia mèrcuris de argiolas e de austu in Santu Giuanni Suèrgiu!

19/07/2022 Zuanne Balente in campidanesu

Candu fiant torraus, is gigantis si fiant arrennegaus meda. Su primu iat nau:

- Calincunu s'est papau unu arrogu de sa truta cosa mia!
- Innoi ammancat unu pagu de supa! – iat nau s'àteru.
- E innoi ammancat pani! – iat nau su de tres.

Ma su chi ddus iat fatu spantai de prus fiat biri Giuanni corcau in su letu, drommendi e bisendi.

- Scida su sonnu! Ita ses fadendi innoi? – ddu iat aboxinau unu giganti.
- Oh, saludi! – iat nau Giuanni, cun unu errisigheddu (sorriso) e stirendi-si. – speru ca non si strobbit ca mi seu postu in domu de bosàterus...

Unu àteru giganti si fut postu a innantis suu, cun is manus a chintzu.

- Insaras bolit nai ca non si timmis, bufurcu chi non ses àteru!
- Non sciu ita est sa timoria – iat arrespostu Giuanni – ma chi mi ddu boleis imparai ita est...

Cumprendendi ca fiant atobiaus a unu prus balente de issus e chi duncas non podiant prus abarrai ingunis, is gigantis iant pinnicau is istrexus/bagallus e si nci fiant andaus a largu, in circa de calincunu àteru de fai a timmi.

A su rei de cussu logu ddi iant contau de totu is balentias de Giuanni e issu boliat connosci cussu giòvunu sfaciu e balente. Is imbiaus de su rei iant agatau a Giuanni e dd'iant nau de su disìgiu de su monarca insoru. E giai fiat capitau ca a pustis de pagu tempus su rei dd'iat arriciu, imprassendi-ddu cumenti chi fessat fillu suu.

- As liberau custu logu de su ammeletzu de is gigantis e ti dd'ia a bòliri torrai sa paga po totu custu! Totu su chi tèngiu es cosa tua! Pedi su chi bolis!


20/07/2022

A ddu scis chi su servìtziu de lìngua sarda s'agatat me in **Instagram** puru? 🗉🗉

🔍 Circai-si-dda po non stramancai mancu una noa de is comunus de **Portescusi, Santu Giuanni Suèrgiu e Sant'Antiogu!**

Ajò! 📱

<https://www.instagram.com/progetuinsusulcis/>



25/07/2022

TARIFAS PRUS BÀSCIAS PO AGIUDAI IS CHI NON NCI DDA FAINT A PAGAI SA TARIFA INTREA DE SU SERVÌTZIU ÌDRICU GESTIU DE ABBANOVA SPA.

BONUS ÌDRICU DE ACIUNTA 2022. APROVADA SA GRADUATÒRIA.

Si fait sciri ca cun detèrmina n° 344 de su 22/07/2022 ant aprovau sa lista de is chi funt amìtius po tenni su bonus de s'acua 2022. Custa graduatòria at a essi intregada a s'EGAS chi at a ponni su bonus me in sa bulleta.

Càstia innoi s'avisu alliongiau:

<https://bit.ly/3OrBxA1>

25/07/2022 - 26/07/2022

Si pentzat ca su biddiciolu de **Palmas** pighit su nòmmini suu de su latinu *palma*. Fiat abitau giai de sa preistòria finas a s'edadi pùnica e romana. Sa bidde in su Mesuevu faiat parti de sa curadoria de su Sulcis a intru de su Giudicau de Càlaris. Scieus ca nci depiant essi stètius

òminis in s'edadi nuraxesa poita ant agatau duus nuraghes sciorrocaus, unu pesau in Palmas e totu e s'àteru in su cùcuru de Monti 'e Palmas.

□ Sa cresiedda de Palmas fut titulada, a prìncipiu, a Santa Maria de Palmas e oi a sa Madonna de is Gracias. Custu de nomenai is Santus e sa Madonna dipèndiri de su domìniu bizantinu, de su para Santu Basilio Magno e de s'òrdini cosa sua, ca fiant devotus meda a is Santus e pruschetotu a sa Madonna.

☒ Si narat ca custus paras, casi ca faiant una vida pòbura meda e teniant fàmìni, papànt sceti fruta sica, po custu sa Madonna de Palmas tenit unu indàturu (dattero) in sa manu e una prama acanta. Sa cresia de Santa Maria est s'ùnicu fàbbricu chi s'agatat ancora strantaxu a pustis de ai sciusciau sa bidda bècia de Palmas, in su 1962. Non scieus candu est stètia fata ma depit essi, a coru seguru, **a innantis de su 1066**. Est fata totu a perda e tenit una navada sceti de àbsidi faci a Orienti.

† □ Sa cresiedda dd'ant torrada a nou intra de su 1993-95 gràtzias a su predi **Don Nicolino Vacca** e a su dinai pùblicu.

Pipius, prontus seis po si spassiai?

Arregordai-sì ca nc'est un àteru atobiu po bosàterus!

26/07/2022

BUBBLE PARTY – una festa cun bullucas a is 21:30

LED SHOW – unu spetàculu de luxis a is 22:30

Cumentis is àterus atobius nci ant a essi giogus, mùsica, ballus e balloncinus!

Cras, 27 de argiolas 2022

In pratza IV Novembre in Santu Giuanni Suèrgiu

Apuntai-sì is atòbius, ant a èssiri d-ònnia mèrcuris de argiolas e de austu

27/07/2022 – 27/07/2022

MISURAS PO S'AMPARU DE IS LIBRUS E DE TOTU SA FILERA DE S'EDITORIA 2022,

cummenti narat su D.M. de sa cultura N. 8 de su 14 gennàrgiu 2022 nomenau

“DISPOSIZIONI ATTUATIVE DELL'ART. 1, COMMA 350, DELLA LEGGE 30 DICEMBRE 2021”.

Su Comunu de Santu Giuanni Suèrgiu fait sciri a is libràius ca, intre de su 09 de austu 2022, si podit cumpriri sa dimanda de manifestatzioni de interessu po donai a sa biblioteca comunali de sa bidda librus prus a baratu.

Innoi ddoi funt totus is informatzionis e is maneras po pigai parti. Càstia s'avisu e su mollu de sa privacy.

<https://bit.ly/3zbc8Vl>

27/07/2022 Zuanne Balente in campidanesu

Propiu in cussu momentu fiat calendu ingunis sa filla de su rei, una giovunedda bella meda, ancora bagadia. E candu is ogus de is giòvunus si fiant atobiaus a pari ndi fiat stuppada dereta sa scincidda de s'amori.

- Si bolia pediri de mi imparai ita est sa timoria – iat nau Giuanni -, ma imoi ca apu biu a filla de bosàterus, non si pedu àteru de mi dda donai cumentis de sposa. Est sa picioa prus bella chi apu biu in vida mia.

Su rei nc'iat arrexionau beni a su chi dd'iat pediu Giuanni, ma pentzendi ca sa filla de seguru non ndi depiat agatai àteru de pobiddu aici balente che cussu giovnuneddu chi fiat a innantis suu, iat decidiu:

- Custu dd'as a dèpiri pediri a issa. Si issa est de acòrdiu, at a essi sa sposa tua.

A sa principessa non ddi fiat costau meda a decidi ca iaus giai nau a innantis ca Giuanni ddi fiat praxu. Fatu, iant abetau unu pagu de tempus a manera chi totu is duus si fessint connotus

mellus. In s'interis totu sa Corte fiat abarrada spantada de is virtudis de su giovunu e prusatotu ca non connoscat ita boliat narri timoria. Sa coja dd'iant fata duus mesis a pustis, e sa festa fiat durada prus de una cida. Una noti, a pustis de ai baddau e buffau unu pagu in prus de su sòlitu, Giuanni iat fueddau in su sonnu e dd'iat fatu cun unu tonu de boxi aici artu ca ndi iat scidau sa principessa:

- Timoria! Timoria! A dd'apu a sciri mai ita est? Poita depu èssi a mancu de unu àteru òmini calisiat? – iat nau prus de una borta su giòvunu.

A sa principessa intzandus ddi fiat benida a conca una bidea poi ndi scidai su pobiddu e in su matessi tempus po ddi donai su chi pediat. Si ndi fiat pesada, iat pigau una cracira de àcua frida meda e sena de nci pentzai duas bortas si ddi iat ghattada a murrus a Giuanni.

- Ahhhhh! – iat aboxinai Giuanni, sartendi in su letu e arruendi a terra totu scimingiau.

- Imoi giai ddu sciu ita bolit nai a si ndi atziccai! Mai mi ddu podia pentzai chi fessat una cosa aici mala!

Mancai de cussa manera, Giuanni iat sighiu a essi unu òmini balente e unu guvernanti bonu, a pustis chi su rei fiat mortu. Antis, boliaus contai chi Giuanni iat incumentzau a essi ancora prus balente a pustis de custa esperientzia chi eus contau, ma mai prus dd'est intrau a conca de si ponni in perìculu, sena de ddu pentzai beni a innantis.